

## REAKCIJA



# Oglasilo se Tužilaštvo BiH povodom "A" liste ratnih zločina i "nestalih predmeta"

Klix.ba  
30.6.2020. u 14:51

19 komentara  
13 dijeljenja



Tužilaštvo BiH

ratni zločini

Strategija za procesuiranje predmeta ratnih zločina

Revidirana strategija za ratne zločine



Foto: D. S./Klix.ba

Tužilaštvo BiH saopćilo je da se predmeti protiv svih osoba koje se u BiH procesuiraju za ratne zločine nalaze u upisnicima Tužilaštva BiH od 2004. do 2010. godine, vode u TCMS evidenciji, kao i u bazama predmeta ratnih zločina, te da se ne može raditi o "izgubljenim predmetima".

Navodi se da su te činjenice jasne svima koji se detaljno bave problematikom procesuiranja predmeta međunarodnog humanitarnog prava.

"Standardna oznaka 'A' odnosi se isključivo na osobe, a ne na predmete. Od ukupnog broja osoba koje su evidentirane u otvorenim KTRZ predmetima u Tužilaštvu Bosne i Hercegovine, samo 4,49% predstavljaju osobe koje su označene sa standardnom oznakom 'A'. Tužilaštvo BiH radi i podnosi redovne izvještaje Nadzornom tijelu za praćenje provođenja Državne strategije za rad na predmetima ratnih zločina, koje je formirano od strane Vijeća ministara Bosne i Hercegovine", saopćili su.



## REVIDIRANA STRATEGIJA

© 30.6.2020. u 11:24

Na pomolu nova afera: Gdje je nestalo 315 predmeta ratnih zločina s "A" liste?

Iz Tužilaštva BiH navode da se informacije o svim predmetima mogu se dobiti u skladu sa zakonodavstvom koje regulira pristup informacijama u krivičnim predmetima.

"Tužilaštvo Bosne i Hercegovine otvoreno je za saradnju sa svim institucijama koje sudjeluju u izradi Državne strategije za rad na predmetima ratnih zločina, kao i udrugama žrtava iz cijele Bosne i Hercegovine", saopćeno je.

Treba istaći da smo od Tužilaštva BiH još 18. februara 2020. zatražili podatke o tome koliko je, od 850 predmeta A liste koje je Haški tribunal dostavio Tužilaštvu BiH, tačno predmeta završeno i koliko je osoba procesuirano. Odgovore nikada nismo dobili.